

Nassiussat aalajangersimasunik inuttaligaanngitsut

POST Greenlandip Niuernermi piumasagaatai • 1. januar 2014-imeersut

Niuernermi piumasagaatit uku Nassiussanik aalajangersimasunik inuttaligaanngitsunik Kalaallit Nunaanni tigusisussanut nassiussinernut agguaassinernullu atuupput.

1. NASSIUSSAT AALAJANGERSIMASUMIK INUTTALIGAANNGITSUT

1.1 Nassiussat aalajangersimasunik inuttaligaanngitsut sueneri

Nassiussat aalajangersimasunik inuttaligaanngitsut tassaapput tigusisussanut nassiussat kimukartuunerinik allassimasooqanngitsut assigiimmik oqimaassusillit, angjissusillit, imallit isikkullillu.

1.2 Agguanneqartarneri

Allakkat sumunnarneri allassimanngitsut POST Greenland-imik isumaqatigiissuteqaqqaarluni agguaatsinneqasinnaapput.

Uku aallaavigineqarput:

- Agguaassineq pisarpoq ulluni nalinginnaasuni marlunni, allamik POST Greenland-ip qullersaqafianut isumaatigissuteqarsimanngikkaanni. Ulluinnaat pineqartut tassaapput ataasinngornermiit tallimanngornermut.
- Naliuttut ulluinnarni inissisimappata (juulli, ukiortaq, pāske, pinse, qilaliarfik, tussiarfissuarlu), agguaassisarnerit nikissapput. Taakku pillugit POST Greenland paasiniaavigineqarsinnaavoq. Allakkat sumunnarneri allassimanngitsut 24. aamma 31. december agguanneqarneq ajorput.
- POST Greenland-ip allakkat sumunnarneri allassimanngitsut nassiussisup sorliit pingaarnerutinneqassanersut piumasarisinnaanngilaa.

1.3 Tigusisussat

Nassiussanik aalajangersimasunik inuttaligaanngitsunik agguaassinissami nassiussisup tigusisussat taaneqartut arlaat toqqarsinnaavaa:

- Inoqutigiit tamaasa: Tassani pineqarput illoqarfinni najugaqarfiiit tamarmik (illut, inissiat ineeqqallu), matukkut allakkanut nakkartitsivillit imaluunniit tunniussinissamut allatut periarfissaqartitsisut. Tigusisussat aamma tassaapput nunaqarfiiit tamarmik, tassa najugaqartunut immik-kut tamanut agguaassiffiineq ajortunut, kisiannili postboksenut ikioraaveqartunut imaluunniit atuisunik sullissivimmi saqqumititsiffisaqartunut. Illoqarfinni nunaqarfinnilu sorlarni agguaassisoqartarnissaa nammineq aalajangerneqarsinnaavoq.
- Illoqarfinni Allaffiit aamma Pisiniarfiiit (taamaallaat postboksenut ikioraaneq): Tassani pineqarput oqartussaqaarfiiit, suliffeqaarfiiit, suliffissuit peqatigiiffiillu suliffeqaarfiiitigisap allaffiinit imaluunniit angerlarsimaffimmiit ingerlanneqartut kiisalu tuniniaaveqarfiiit/pisiniarfiiit aalajangersimasuniit atortussanik nioqquteqartut tamarmik. Nioqquteqarneq inuussutissarsiornermik ingerlataqarnerup annertuumik ilagissavaa.
- Illoqarfinni postbokseqarfinnut ikioraaneq.

Atuisut pilersaarutinik pisartagaqarusunngitsut TELE-POST Centeri attavigisinnavaat nipitittakkamillu „Ingen reklamer tak!“-imik tunineqarlutik. Atuisut allakkanut matukkut nakkartitsisarfirminni allakkanulluunniit nakkartitsivimmini „Ingen reklamer tak!“-imik nipititsisimasut TELE-POST-ip ataqquimavai.

1.4 Agguassiviusartut

Nassiussanik aalajangersimasunik inuttaligaanngitsunik nassiussisup agguassiviusinnaasut taaneqartut arlaat toqqarsinnaavaa:

- Unami tamarmi imaluunniit illoqarfimmi ataatsimi arlalinniluunniit

agguassineq.

- Nunaqarfimmi ataatsimi arlalinniluunniit agguassineq (postbokseqarfinnut taamaallaat ikioraasoqarsinnaavoq saqqumititsisoqarsinnaalluunniit)
- Illoqarfinni Allaffiit & Pisiniarfiiit (postboksenut taamaallaat ikioraaneq)
- Illoqarfimmi ataatsimi arlalinniluunniit postbokseqarfinnut ikioraaneq
- Illoqarfimmi nunaqarfimiluunniit ataatsimi arlalinniluunniit TELE-POST-ip inini sullissiviini tigusassanngorlugit saqqumititsineq.

1.5 Angjissutit

Nassiussat aalajangersimasunik inuttaligaanngitsut kipparissumik iluseqassapput angjissutillu tulluuttut qaangersimassanagit:

Minnerpaamik: 14 x 9 cm.

Annerpaamik: 33 x 23 x 1 cm.

Nassiussat aalajangersimasunik inuttaligaanngitsut quppersakkatut 33 x 23 cm-ip aamma 45 x 30 cm-ip akornanni angjissuseqartut, angjissusisamik sinniisimanermut nassiunneqarnerminni akiata 25 %-anik ilallugit agguanneqarsinnaapput, malitassanik tulluuttunik naammassinnissimagunik:

Ikinnerpaamik sisamanik qupperneqarunik.

Tigusisussamut tunniunneqarnermini quppersagaq ataasiarluni peqinneqarsinnaasariaqarpoq, taamaalluni takissuseq naannerpaaffia annerpaamik 23 cm-iussalluni.

Issunerpaaffissaraa 2 cm.

Qupperneq ataaseq A4-mit (29,5 x 21 cm) angineruppat allakkerivimmut tunniunneqarnerminni peqinneqareersimassaaq. Nassiussaq peqitinnegarnani allakkerivimmut tunniunneqarsimaguni, nassiunnerani akiata 50 %-ianik ilallugu akilersinneqassaaq.

1.6 Oqimaassuseq

Nassiussat aalajangersimasunik inuttaligaanngitsut annerpaamik oqimaassuseqassapput poortuutertik ilanngullugu 500 g-inik.

1.7 Imai

Taaneqartut Nassiussatut aalajangersimasunik inuttaligaanngitsutut nassiunneqarsinnaapput:

- Naqitat soorlu pilersaarutit, kaajallaasat, aviisit assigisaallu misiliutit saqqummiunneqartut.
- Nipimik aamma assilianik elektronik atorlugu pilersaarusiit, soorlu CD-t, CD-rom-it disket-illu, poortorluagaagunik poortuutaallu aserornagu imai susassaqqanngitsunit tiguneqarsinnaanngikkunik.
- Nioqqutissatut misiliutit, pappialamut, kartonimut assigisaannulluunniit naqitaannaanngitsut, kiisalu videot kassetebändillu taamaallaat tigu-neqarsinnaapput tigusisussanut Allaffiit aamma Pisiniarfiiinnut agguaassasatut. Pineqartut inoqutigiinnut agguanneqarsinnaanngillat.
- Naqitat, aningaasanik allatulluunniit nalilil - soorlu allagartat eqqui-niutit - allakkat puussaat matoqqasut kisiisa atorlugit nassiunneqarsinnaapput. Nassiussap qaavani takuneqarsinnaassanngilaq imarisaa aningaasanik allatulluunniit naleqartoq.

Nassiussaq aalajangersimasunik inuttaligaanngitsut makkuninnga imaqqassanngilaq:

- Aningaasat, rejsecheckit, allagartaatit, saffiugassat erlinnartut, soorlu platin, guulti aamma sølvi, ujaqqat erlinnartut kiisalu pigisat akisuut. Allagartaatit tassaasinnaapput akiitsut allagartaat, aktiat, check-it cross-igaanngitsut, akiitsukkanut uppenarsaatit, nalilinnut uppenar-

saatit aammalu allagartaatit allat aningaasanik nalilinnut uppennarsaataasut aammalu allagartaammik tigumminnittup kinaanerani uppennarsaasuusunik allagartaammik tunniussinissamut, allagartaat naapertorlugu aningaasanik akilernerqarnissamut, pigisat nuunneqarsinnaasut tigunissaannik piunasaqarnermut imaluunniit allagartaat

naapertorlugu kiffartuussinermit sullinneqarnissamik piunasaqarnermut.

- Imarisat ulorianaatillit. Imarisat ulorianaatillit tassaapput akuutissat atortussalluunniit, ilutsimikkut akuutimikkulluunniit inunnut, uumasunut, avatangiisinut (assersuutigalugu nioqqutissiornermi maskinanut aamma nassiussanut allanut) imaluunniit angallassitutiganut ulorianaateqarsinnaasut, tassani pineqarlutik "UN Recommendations on the Transport of Dangerous Goods. Model Regulations"-ini (FN'-ip aalajangersagai) qaqugukkulluunniit ulorianaatillittut pineqartut.
- Nunap immallu uumasui uumasut.

1.8 Poortuutissat

Nassiussat aalajangersimasumik inuttaligaanngitsut allakkanut puussanik qallitissanilluunniit nalinginnaasumik poortornagit nassiunneqarsinnaapput. Tassani pineqaannarput suut ataasiakkaat, tassa kortiusinnaavoq, quppersagaasinnaavoq, pisequsaarutaasinnaavoq il.il.

Nassiussap aalajangersimasumik inuttaligaanngitsup imm. 1.7-imi piunasaqaatinik naammassinnissimanissaa, pisariaqartumik poortorneqarsimanissaa imaluunniit poortuuteqarnani isumannaatumik nassiunneqarsinnaanera nassiussisup akisussaaffigaa, taamaalilluni nalinginnaasumik allakkerinikkut suliarineqarnermini imaasa naammattumik isumannaatumillu poortorsimanissaat qulakkeerneqarsinnaaqullugu, kiisalu nassiussap nassiussanik allanik, POST Greenlandimik allatulluunniit suliarinnittusamik ajoqusiinnaanera pinngitsoortissinnaaqullugu.

Imarisat qajannarsinnaasut imaluunniit imerpalasut taamaallaat nassiunneqarsinnaapput poortuutissat POST Greenlandip akuerisai poortuutigalugit.

1.9 Allakkerivimmu tunniussineq

Nassiussat aalajangersimasumik inuttaligaanngitsut, aaneqarnissaannut tunngasumik immikkut allakkatigut isumaqatigiissusiortoqarsimangikkaangat, ulloq agguassivissatut kissaatigisaq kingusinnerpaamik ulluinnarnik marlunnik sioqqullugu allakkerivimmu agguassisuusussamut tunniunneqarsimassapput.

Nassiussat aalajangersimasumik inuttaligaanngitsut nunaqarfinnukartut allakkerivimmu akisussaasuusumut ulloq saqqummiussivissaq kingusinnerpaamik ulluinnarnik 18-inik sioqqullugu tunniunneqassapput.

Nassiussanut aalajangersimasumik inuttaligaanngitsunut POST Greenlandimut ilisimatissisutaareersunut, tassanngalu allakkerivinnut allanut nunaqarfinnullu nassiussuunneqartussanut tunniussivissat makku atuupput:

- Illoqarfinnut, ulloq agguassivissatut kissaatigisaq kingusinnerpaamik ulluinnarnik 10-nik sioqqullugu tunniussisoqarsimassaaq.
- Nunaqarfinnut, ulloq agguassivissatut kissaatigisaq kingusinnerpaamik ulluinnarnik 18-nik sioqqullugu tunniussisoqarsimassaaq.

1.10 Pappiaqqat ilaliussat

Allakkerivimmu tunniussinermi aallertitsinermiluunniit tunniussinermut allattugaq, allakkerivinnut agguassisuusussanut tamanut atuuttoq adressekorti immersugaq, kiisalu Nassiussanut aalajangersimasumik inuttaligaanngitsunut misiliut ataaseq allamik isumaqatigiissuteqartoqarsimangippat nassiussisup tunniutissavaa. Nassiussat allakkerivimmu nassiunneqarnermini peqinneqarsimanissaattulli, misiliut aamma taamatulli peqinneqarsimassaaq.

1.11 Poortorneqarneri

Nassiussat tunniunneqarnermini poortuutissanut ningusuunut poortorneqarsimassapput, allunaasamillu qilorsorneqarsimassallutik. Poortugaq ataaseq 100-t sinnerlugit imaqarsimaguni 50-ikkaarlutik imaluunniit

100-ikkaarlutik qullutaallutik iliorarneqarsimassapput. Poortugaq ataaseq Nassiussanik aalajangersimasumik inuttaligaanngitsunik imalik annerpaamik 20 kg-nik oqimaassuseqassaaq, kiisalu Nassiussanut aalajangersimasumik inuttaligaanngitsunut puut poortuutigineqassanngillat.

Nassiussat aalajangersimasumik inuttaligaanngitsut Allakkerivimmu agguassisuusassamut tunniunneqarneranni isumaqatigiissutigineqareersimassaaq poortorneqarnermini qanoq amerlatiginissaat. Amerlanaarlugit nassiussat – tassa akilernerqarsimasut sinnerlugit nassiussat – kisinnerlutaat naatsorsuunneqassapput agguaanerlu naammassipat aserorterneqassallutik.

Pootukkat tamarmik immikkut adresseseddel-imik pilereqassapput.

Agguassinermut atasumik immikkut pisussamik isumaqatigiissuteqartoqarsimappat, tamanna adressekortinut aammalu allagartanut poortukanut tamanut ikineqartussanut allanneqassaaq.

Nassiussanut arrorsaatinik sakkortuunik akulinnik naqitanut plastikki atoqusaanngilaq. Paarlaallugu qilerummik imaluunniit net-imik qilorsorneqarnissaat inassutigineqarpoq, taamaalillutik arrorsaatin il.il. akui allakkerivimmu agguassiviusussamut angallanneqarneranni aamma aniasinnaaqullugit.

Nassiussat aalajangersimasumik inuttaligaanngitsut EUR-palle-nut poortorneqarsinnaapput. Nassiussat qilertaliarineqassapput qilorsorneqarlutillu palle-mut issoraneqartinnatik. EUR-palle ima sukangatigisumik qilorsorneqarsimatigissaaq nassiussaq angallanneqarnermini nikittoorsinnaassanani. Nassiussat aalajangersimasumik inuttaligaanngitsut arrorsaatinik sakkortuunik akulinnik naqitat qilerutissamik net-imilluunniit qilorsorneqarsimassapput.

POST Greenland isumaqatigiissuteqarsimaguni akiliisittilluni poortuussisarpoq allakkanillu ilanngussasanik piffinnut agguassivissanut/postnormunut allaassussisarluni. Kingusinnerpaamik piffissami nassiussisup POST Greenlandillu isumaqatigiissutigisimasaanni, allakkerivimmu isumaqatigiissutigineqarsimasumut nassiussaq tunniunneqassaaq.

1.12 Piunasaqarsinnaatitaaffik

Piffissaq agguassivissatut isumaqatigiissutaasoq ullormik ataatsimik sioqqullugu, Nassiussat aalajangersimasumik inuttaligaanngitsut nassiussisumit uterteqquneqarsinnaapput. Nassiussanik aalajangersimasumik inuttaligaanngitsunik agguassiviususaagaluartunut postnormunut tamanut nassiussisup piunasaanik taamaatitseqqusermut akigititaq nassissisumit akilernerqassaaq. Nassiussanik aalajangersimasumik inuttaligaanngitsunik uterteqqusanik utertitsineq aserorternerlu nassiussisup akilertarpaa.

1.13 Tunniussineq

POST Greenland Kalaallit Nunaanni allakkanik sumunnarnerinik allasimanngitsunik agguassisarnera 1.2 malillugu.

POST Greenland pisuni immikkut ittuni, soorlu tigusisussamut agguassivissaq pisariusimappat imaluunniit aarlerinartoqarpat, soorlu adressimi qimminik pituttaanngitsunik kiisartoqarpat, aputeqarpallaarpat/quasappalarpat imaluunniit allakkanut nakkartitsiveqanngippat, immikkut iliuuseqarsinnaavoq. POST Greenland-ip allakkat sumunnarnerinik allasimanngitsut najugaqarfiup allakkanut nakkartitsiviinut ikisarpai.

1.14 Akit

Akit qaqugukkulluunniit atuuttut allattorsimaffiat www.post.gl-imi aammalu allakkerivinni takuneqarsinnaapput, allakkeriviillu aama akit atuuttut tamaasa pillugit paasisutissiisarpoq.

Annertunerusumik paasisaqarumagit **POST Greenland telefon**

34 12 55-imut imaluunniit mail-ikkut posterhverv@telepost.gl-imut attavigiuk.

1.15 Taarsiissuteqartarneq

POST Greenland Nassiussat aalajangersimasumik inuttaligaanngitsut kinguaattoornerinut, piffissap agguassiviusussap siornagut kingornagulluunniit agguassinernut, tammannerinut imaluunniit ajoquserneqarsimanagerinut taarsiissuteqartarneq ajorpoq.

POST Greenland taarsiissuteqartarneq ajorpoq agguassineq sila pissuti-

galugu kinguaattoorpat imaluunniit piffissap isumaqatigiissutaasup iluani agguaassisoqarsinnaangippat.

POST Greenland Nassiussanik aalajangersimasumik inuttaligaanngitsunik POST Greenlandimut piffissaq eqqorlugu poortugassanngorlugit nassius-sisumit tunniunneqarsimasunik isumaqatigiissummik naammassinnin- ngippat, poortuinnissamut nassiuussisup akilersimasaa POST Greenlandip nassiuussimut utertittarpa. Poortuissussinermut atasumik allamik tarsiis- suteqartoqarneq ajorpoq.

Piffimmi agguaassiffiusussami tiguisussanut POST Greenland agguaas- sisimangikkuni, imaluunniit nassiuusaq aalajangersimasumik inuttali- gaanngitsoq piffissap agguaassiviusussap siornagut kingornagulluunniit agguaassimappagu, agguaassiffissatut isumaqatigiissutigineqartumi agguaassinermut nassiuusaq nassiuunneqarnerannut aningaasartuut POST Greenlandip utertissavaa, imaluunniit nassiuusaq aalajangersimasumik inuttaligaanngitsoq piffissap agguaassiviusussap siornagut kingornagul- luunniit agguaassimappagu, agguaassinngitsoorneq nassiuussisup pisuus- sutigisimangippagu.

Niuernermi piunasaqaatini ukunani Nassiuusap aalajangersimasumik inut- taligaanngitsup imaanut poortorneqarsimanissaanullu piunasaqaataasunik malinninnginnerup kingunerisaanik POST Greenlandip annasaqaatigisaa- nut, nassitsisisoq pisussaavoq POST Greenland annasaqatsaalissallugu. Tamakku saniatigut malittarisassat nalinginnaasut malillugit nassiuusisoq taarsiussaatitaavoq.

1.16 Allat

Oqimaassutsinut aammalu angissutsinut malittarisassani allassimasunit allaanerusunik agguaassinissaq pillugu isumaqatigiissuteqarnissaq kissa- atigigaanni, **POST Greenland telefon 34 12 55**-imut sianerluni imaluunniit mail-ikkut posterherv@telepost.gl-ikkut allalluni attavigineqarsinnaavoq.